



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1510511
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

07 դեկտեմբերի 2020թ.

ք. Երևան

(կազմման վայրը)

Ակտի հասցեագրեր

«ԱՐՄՍՎԻԹ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատիր նշումով) կամ իրավաբանական անձի անվանումը)

0	1	2	4	1	1	0	6
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ք. Երևան, Տիգրան Մեծի փ. 32. 4բն.

(անհատ ձեռնարկատիրոջ հաշվառման հասցեն կամ իրավաբանական անձի գրեկցվող վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 06.11.2020թ-ի թիվ 1510511 որոշման համաձայն «Արմավիթ» ՍՊԸ-ի նկատմամբ իրականացվել են օպերատիվ-հետախուզական միջոցառումներ:

Արարատի մ., գ. Մարմարաշեն, Երևան-Արտաշատ խճուղի 92 հասցում գործող Ա/Ձ Տարոն Թիլիքյանի (ՀՎՀՀ՝ 47794952) մոտ 24.11.2020թ-ին ժամը 12:42-ին իրականացված ՕՀՄ-ի շրջանակներում պարզվել է, որ ընկերությունը Ա/Ձ-ին նույնպես ամսին իրականացրել է՝ ընդամենը 5.700 ՀՀ դրամ արժողությամբ ապրանքների մատակարարում՝ առանց համապատասխան ուղեկցող փաստաթղթերի: Մասնավորապես՝ նույնների 9-ին՝ 2 հատ «Կիկյան մինի» տորթ 1.700 ՀՀ դրամ արժեքով և նույնների 16-ին՝ 2 հատ «Տեսականի» ռուլետ 2.400 ՀՀ դրամ արժեքով:

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 4.100 ՀՀ դրամ արժողությամբ ապրանքների մատակարարման համար ընկերության կողմից 24.11.2020թ-ին ժամը 12:42-ի դրությամբ դուրս գրված չեն եղել համապատասխան ուղեկցող փաստաթղթեր:

Վերոգրյալը հաստատվել է ընկերության տնօրեն Արմեն Կոստանյանի կողմից 25.11.2020թ-ին տրված գրավոր հայտարարությամբ:

Թիվ 1510511 արձանագրությամբ 25.11.2020թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացրել վարչական վարույթին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, «Արմավիր» ՍՊԸ-ի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) տեղափոխումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 2-րդ կետի բ) ենթակետի համաձայն, ըստ որի <<Օպերատիվ-հետախուզական գործունեության մասին>> ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների տեղափոխման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ խախտման երրորդ և ավելի փաստ արձանագրվելու դեպքում գանձվում է տուգանք՝ անփաստաթուղթ ապրանքների գնի (արժեքի) 200 տոկոսի չափով, բայց ոչ պակաս մեկ միլիոն դրամից:

Տվյալ դեպքում «Արմավիր» ՍՊԸ-ի կողմից խախտումը վերջին 1 տարվա ընթացքում կատարվել է չորրորդ անգամ (ՀՀ ՊԵԿ իրավաբանական վարչության 26.11.2019թ-ի թիվ 1507010, 01.06.2020թ-ի թիվ 1508657 և 27.07.2020թ-ի թիվ 1509249 վարչական ակտեր): Ապրանքների ընդհանուր գումարը կազմում է 4.100 ՀՀ դրամ, որի 200 տոկոսը կազմում է 8.200 ՀՀ դրամ, ուստի օրենսդրական պահանջից ելնելով «Արմավիր» ՍՊԸ-ի նկատմամբ կիրառելի է 1.000.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և «Արմավիր» ՍՊԸ-ին գանձման առաջադրել 1.000.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

		Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ սահմանված ընդամենը, որից՝	հոդվածով տուգանք	1.000.000	պետական բյուջե	900008000490

2. Ընդունելի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երեք օրինակով:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը



[Handwritten signature]

ստորագրությունը

Կ.Տ.

Ստացա ակտի մեկ օրինակը

ընդամենը 3 էջ

տնօրեն Արմեն Կոստանյան

Ֆիզիկական անձի անունը, ազգանունը
(անհատ ձեռնարկավորող դեպքում՝ անհատ
ձեռնարկավորող նշումով) իրավաբանական անձի գործադիր
մարմնի ղեկավար (գրագրության ընդունման համար
պաշտասխանագրու անձ՝ հարուկ առաքման դեպքում)

ստորագրությունը

2020թ.

(նշում ակտը ստորագրելուց և (կամ) ստանալուց հրաժարվելու մասին)